

# 大日本史

三十七

醍醐	清和	文德	平城	桓武	文武	文武	桓武
	陽成	第七十八卷	嵯峨	第七十七卷	聖武	第七十六卷	
	光孝	后妃列傳	淳和	后妃列傳	廢帝	后妃列傳	
	宇多		仁明		光仁		

一	五	八	二	五	八	二	五	八	和書門
冊	架	函	號	類					

内閣文庫	
番號	和 20258
冊數	150 ( 37 )
函號	138 105

三	二
八	〇
函	二
二	五
〇	五
架	八
冊	號

架冊〇二一  
六五歴和



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale




© Kodak, 2007 TM: Kodak



大日本史卷之七十六

淺草文庫

列傳第三



權中納言從三位源光圀 修

男權中納言從三位綱條 校

玄孫權中納言從三位治保重校

后妃三八

文武藤原皇后

嬪紀竈門娘

嬪石川刀子娘

聖武藤原皇后

夫人縣犬養廣刀自

夫人藤原氏

夫人藤原氏

夫人廣岡古那可知

廢帝後宮粟田諸姉

光仁皇后

高野皇后

夫人藤原曹子

尾張女玉

縣犬養男耳

島姬

桓武藤原皇后

藤原皇后

妃酒人内親王

夫人藤原吉子

夫人多治比真宗

夫人藤原小屎

女御紀乙魚氣

女御百濟教法宗

橘常子

橘御井子

坂上春孫

紀若子

坂上又子

藤原上子

藤原河子

河上好

百濟教

百濟貞香

藤原東子

藤原南子

中臣豐子

橘田村子

多治比豐繼

百濟永繼



文武藤原皇后諱宮子娘淡海公不比等女也。帝即位立為夫人。生聖武帝。養老七年授從二位。尋敘正一位。聖武帝即位尊曰皇太夫人。天平七年皇太夫人母正四位上賀茂比賣卒。葬以散位儀。九年十二月皇太夫人就皇后宮。見僧玄昉。聖武帝亦造焉。皇太夫人誕帝之後久不與玄昉相見。沈憂廢事。是日一見。惠然開晤。適與帝相見。天下莫不慶賀。施玄昉純綿絲布。賜中宮職官人位。○皇

玄昉事舊史文義不明元亨釋書或曰釋善珠藤太后宮子孽子也 孝謙帝即

位後稱太皇太后。勝寶六年七月病篤。詔曰。頃者太皇太后枕席不安。稍延旬月。百方救療。猶未平復。朕聞皇天輔德。德勝不祥。庶施慈令。奉資寶體。使寢膳如常。起居穩便。宜大赦天下。是日度僧一百。尼七人。數日崩于中宮。謚曰千尋。葛藤高知。天宮姬之尊。火葬于佐保山。寶字四年。墓稱山陵。置國忌齋。續日本紀 嬪紀。竈門娘。帝即位為嬪。續日本紀

嬪石川刀子娘、帝即位、與竈門娘同日為嬪。

和銅六年十一月、與竈門娘並貶號、不得稱

嬪。續日本紀○按本書、文武帝即位年、以藤原宮子娘為夫人、紀竈門娘、石川刀子娘

為妃、然位次不可以妃書夫人、之、下、今據和銅六年文、定為嬪、

聖武藤原皇后、諱光明子、淡海公不比等第

三女也。今系圖作第二女、體貌姝麗、似有光耀、

故名焉。高僧傳、元亨釋書、幼而聰慧、帝為儲貳、納為

妃、時年十六、天資慈仁、志在濟物、攝引妾御、

皆得其歡、雅閑禮訓、敦崇佛道、帝即位、授從

三位、為夫人。○按廢帝紀、天平寶字四年、后崩、下書云、神龜元年、授正一位、

為太夫人、考聖武紀、帝即位、尊所生宮子娘曰太夫人、而不書以光明子為夫人、蓋闕文、

而崩下所載正一位、乃從三位、生孝謙帝及

皇太子、神龜四年、以皇太子生、封一千戶、尋

敘正三位、天平元年八月、立為皇后、益封一

千戶、二年正月十六日、帝御大安殿、宴五位

已上、及晚、幸皇后宮、百官主典已上、陪從踏

歌、且奏、且行、引入宮中、而賜酒食、書短籍、以

仁義禮智信五字、令取之、隨字賜物、得仁字

者純、義絲、禮綿、智布、信段、常布、盡歡而罷。既而后嬰疾、度歲不愈、五年五月、救曰、皇后枕席不安、已經年月、百方無效、未知瘥劇、思斯煩苦、忘寢與食、宜大赦天下、救濟此病、先是、后母內命婦正三位縣大養橘三千代薨、遣從四位下高安王等、監護喪事、葬儀準散一位、十二月、又遣一品舍人親王、大納言藤原武智麻呂等、就宅宣詔、贈從一位、特敕莫收食封資人、續日本紀六年、后為先妣造西金堂於

山階寺、

冰鏡元亨釋書

安釋迦十弟子像、

元亨釋書

后嘗

勸帝建東大寺、創諸國國分寺、又置悲田施藥兩院、療養天下飢病、十一年二月、后又病、詔大赦天下、孝謙帝受禪、為皇太后、勝寶五年四月、又病、詔曰、頃者皇太后寢膳不安、稍延旬月、雖加醫藥、猶未平復、以為政治失宜、罹罪有徒、天遺此罰、警戒朕身、其母子之愛、貴賤皆同、犯罪之徒、豈獨無親、庶悉洗滌、救其憂苦、宜大赦天下、寶字二年七月、又病、詔

曰、皇太后寢膳不安、朕思延年濟疾、莫若仁  
 慈、宜令天下諸國、始自今日、迄今年十二月  
 三十日、禁斷殺生、不得進猪鹿之類、八月百  
 官及僧綱上表、上尊號、曰中臺天平應真仁  
 正皇太后、四年三月皇太后不豫、詔祭天神  
 地祇、令諸社祝部等、各祈其祖、自太神宮禰  
 宜內人物忌、至諸社祝部、賜爵一級、皇太后  
 亦遣使五大寺施物、六月崩、年六十、葬于大  
 和添上郡佐保山、葬儀如太皇太后藤原氏

故事、天下舉哀三日、服期三日、帝設七七齋  
 於東大寺及京師諸寺、令天下諸國造阿彌  
 陀淨土畫像、僧尼寫稱讚淨土經、各於國分  
 金光明寺、禮拜供養、十二月敕、墓稱山陵、置  
 國忌齋、續日本紀后嘗在家、告父入市、教諸商賈、  
 始用自唐所得稱尺、父曰、汝當助國宣風、權  
 衡稱尺、不久而流于天下、高僧傳及長、善書屬  
 文、作屏風銘曰、種好田良、易以得穀、君賢臣  
 忠、易以至豐、諂諛之語多悅會情、正直之言、



倒心逆耳、正直為心、神明所祐、禍福無門、唯人所招、父母不愛、不孝之子、明君不納、不益之臣、清貧長樂、濁富恒憂、孝當竭力、忠則盡命、君臣不信、國政不安、父子不信、家閨不睦、嘗為考妃、冥福、手寫金字一切經律論、製願文、書每卷後、屏風銘及願文、在東大寺寶藏、銘以鳧毛織成、今見存矣、又為帝自製願文、納珍寶玩好、御帶牙笏弓箭、刀劍樂器等於東大寺、以供養焉、東大寺天要錄平初僧玄昉、還自唐、帝賜紫袈裟、以為僧正、

安置內道場、

續日本紀

后甚寵異、頗有醜聲、

今昔物語

源平盛衰記、○按興福寺所藏略年代記載、皇太后崩而云、玄昉僧正密通之、元亨釋書曰、后建溫室、發誓、親除千人垢、又曰、后聞釋實忠容貌端麗、召而見之、夢與之交、今考諸書、后之穢德、自不可掩、據舊史、玄昉榮寵日盛、稍乖沙門之行、時人惡之、蓋意有所指、而諱不明、書爾、

夫人縣犬養廣刀自讚岐守唐女也、

○一代要記、唐

作麻呂誤、帝為儲貳日、納為夫人生安積親王、井上內親王、不破內親王、敘正三位、寶字五年、遷都保良、賜稻四萬束、明年十月薨、續日本紀

夫人藤原氏左大臣武智麻呂女也、天平九年敘正三位、二十年六月薨。續日本紀寶字五年、夫人藤原氏中衛大將房前女也、天平九年敘正三位、進從二位、寶字四年正月薨。續日本紀夫人廣岡古那可智正四位上橘佐為女也、○一代要記天平九年敘從三位、進正二位、寶字元年改姓橘宿禰、賜廣岡朝臣、三年七月薨。續日本紀廢帝後宮粟田諸姊初適藤原仲麻呂子真

從、真從卒而寡居、帝為諸王時、仲麻呂以諸姊妻之、居於私第、帝即位、敘從五位下。續日本紀光仁皇后井上內親王、聖武帝女也、養老五年九月為伊勢齋神龜、四年九月侍于太神宮、補齋宮寮官人一百二十一人。○罷齋、天平十九年敘二品、寶字五年遷都保良、賜稻十萬束、景雲二年賜太宰綿一萬屯、光仁帝為諸王時、納為妃、生廢太子他戶、初有童謠曰、葛城寺乃前在也、豐浦寺乃西在也、於志

止度、刀志止度、櫻井爾、白壁之豆久也、好壁之豆久也、於志止度、刀志止度、然為波國曾、昌由流也、吾家良曾、昌由流也、於志止度、刀志止度、識者以為、井者內親王之名、白壁者帝之諱、蓋帝登極之徵也、及稱德帝崩、羣臣推帝即位、立內親王為皇后果、如識寶龜三年三月后坐巫蠱廢、尋廢皇太子、后又厭蠱難波內親王、四年十月內親王薨、帝乃詔幽后與廢太子於大和宇智郡没官之宅、六年

四月后及廢太子同日卒、○水鏡曰、藤原百

子廢之、事甚鄙褻、今不取、愚管鈔曰、百川將置后於土牢、后化龍、蹴殺之、水鏡又曰、七年九月、每夜有擲瓦石於京中屋上、八年九月、冬、不雨、井水盡涸、皆后之祟所為也、

正月遣從四位下壹志濃王、石川垣守等、改葬后、墳稱御墓、置守冢一戶、續日本紀○按

宇智郡、延曆十九年詔復后位、墓稱山陵、類聚

日本紀略、初有右兵衛佐槻本老、光仁帝之舊臣也、他戶在東宮驕虐、遇桓武帝無禮、老竭心奉帝、陰有輔翼之志、后與他戶聞老為帝所

昵數切責之及巫蠱事起老按驗其獄多發  
姦伏延曆二十二年授老三子位階賞其舊

功類聚國史

高野皇后諱新笠本姓和氏乙繼女也乙繼按

本官無所考

其先出自百濟武寧王子純陀太子  
容德淑茂帝龍潛之日聘而納焉生桓武帝

崇道天皇早良能登內親王續日酒人內親

王

東大寺要錄引日本後紀

寶龜中改姓為高野朝臣授

從三位尋為夫人桓武帝即位尊曰皇太夫

人置中宮職延曆八年十二月病革敕畿內

七道諸寺讀誦大般若經一七日以禱其疾

數日而崩帝服錫紵避正殿御西廂率皇太

子及羣臣舉哀百官及畿內以三十日為服

期諸國三日並率所部百姓舉哀但神鄉不

在此限又七七御齋令天下國分二寺誦經

每七日遣使諸寺誦經焉明年正月追尊曰

皇太后謚曰天高知日之子姬尊百濟遠祖

都慕王者河伯之女感日精而所生皇太后

即其後也。故上謚如此。葬于大枝山陵。十一月敕曰：中宮周忌當來月二十八日，禮制忽終，新歲須及忌，景俄臨，彌切罔極之痛。元正肇啓，何受惟新之歡，興言永悲，不能自忍。賀正之禮，宜停止焉。十二月又詔：外祖父高野朝臣外祖母土師宿禰，並贈正一位，改土師氏為大枝朝臣。續日本紀大同元年追尊曰太皇太后。日本紀后姪和家麻呂仕桓武朝，歷職內外，至從三位中納言。公卿補任又百濟玄鏡、仁貞、

鏡仁等，以外戚故，延曆中詔加授爵位。續日本紀

夫人藤原曹子，作司子左大臣永手女也，頗

好文筆。一代要記系圖入宮敘從三位，寶龜八年八

月為夫人，延曆三年進正三位。續日本紀要記載

夫人從三位紀宮子，歷考續日本紀宮子寶龜中敘從四位下，至延曆五年始為從三位。

而不書為夫人，故不取。十二年十一月薨。一代要記

尾張女王、湯原親王女，敘從四位下。一代要記

稗田親王。一代要記亂紹運錄

縣犬養男耳，初為女孺，敘從五位下，帝龍潛

之日幸之生廣根諸勝姓氏

島姬縣主毛人女生彌努摩內親王皇胤紹

桓武藤原皇后諱乙牟漏內大臣良繼女也

帝在儲宮納為妃延曆二年授正三位為夫

人四月立為皇后生平城帝嵯峨帝高志內

親王后性柔婉美姿容閑於女則有母儀之

德三年十月后母阿部古美奈卒帝遣使監

護喪事十一月遷都長岡后以居喪不從皇

太夫人亦留平城帝遣使迎之后遂從皇太

夫人至自平城明年夏赤雀見于皇后宮帝

以為瑞賜天下有位者爵進宮司主典已上

爵九年閏三月后病革敕度二百僧又京畿

高年鰥寡孤獨疹疾不能自存者普加賑恤

崩年三十一帝移御近衛府令京畿七道自

是月十八日素服舉哀以晦日為限諡曰天

之高藤廣宗照姬之尊○按高僧傳稱后曰

史無所見葬於長岡山陵續日本紀平城帝即位

追尊曰皇太后贈古美奈正一位日本紀略天安

二年詔奉荷前幣

三代實錄○按本書清和紀有贈太皇太后藤原氏

長岡山陵之文、追上太皇太后尊號、年月無所見、據類聚國史、日本紀略、淳和帝即位尊

皇太后曰太皇太后、時無皇太后、所謂贈太皇太后、蓋此也。

藤原皇后、諱旅子、式部卿百川女也、延曆四

年授從三位、明年正月為夫人、生淳和帝、七

年五月薨、年三十、遣中納言藤原小黑麻呂、

參議壹志濃王等、監護喪事、中納言石川名

足、參議紀古佐美、就第宣詔、贈妃正一位、續

木淳和帝即位、詔曰、皇妣享年不永、早從昇

天、朕在幼稚、已違慈顧、追上徽號、曰皇太后、

日本紀略天長元年、以皇太后忌月、詔停五月節、

類聚國史

妃酒人內親王、

○一代要記曰、內親王、寶字三年十一月為齋王、又引神

祇記云、寶字二年四月八日、內親王遷于春日宮、但不參大神宮、舊史無所見、故不取。

寶龜元年、進三品、三年為伊勢齋、五年九月

至伊勢、續日本紀年長而還、容貌姝麗、帝納之掖

庭、生朝原內親王、操行不謹、而帝不加禁、至

弘仁中、授二品、常於東大寺、行萬燈會、天長

六年八月薨年七十六

東大寺要錄引日本後紀

夫人藤原吉子右大臣是公女也

系圖

年授從三位為夫人

續日本紀

二年坐伊豫親王事幽于河原寺仰藥而死

日本紀略

承和六年九月贈從三位詔曰故無位

藤原朝臣吉子屬遇軼軻墜失爵位時移事

賀追悼營魂宜復本班照之寔宥十月以有

崇又贈從二位

續日本紀

夫人多治比真宗參議長野女也生葛原佐

味賀陽太德四親王因幡安濃二內親王

葛原

親王據日本紀略文德實錄佐味賀陽太德

三親王因幡內親王皇胤紹運錄帝王編年

十四年六月薨年五十五淳和帝詔贈再二

位及葬任葬司四位二人五位五人六位已

下十一人

日本紀略

夫人藤原小屎中務大輔鷲取女也生萬多

親王

皇胤紹運錄帝王編年記

女御紀乙魚叙正五位上承和三年授從四



位下、七年五月卒、

續日本後紀

承和七年十一月

女御百濟教法、叙從四位下、承和七年十一

月卒、

續日本後紀 ○按代要記曰、藤原仲

圖曰、正子式部卿宇合之孫、而清成女也、為桓武帝女御、贈皇太后、皆他書所不載、故今不

取、

橘常子、兵部大輔島田麻呂女也、入宮有寵、

生大宅內親王、授從三位、帝崩、出家為尼、

日本

紀略 嵯峨帝即位、賜新錢百貫、類聚國史 弘仁八年

八月薨、年三十、

日本紀略

因

橘御井子、左中辨入居女也、生賀樂內親王、

菅原內親王、

皇胤紹運錄、一代要記、帝王編年記、入居書左中辨、據橘氏系

圖 叙從四位下、嘉祥二年進從五位、續日本

坂上春子、大納言田村麻呂女也、叙從四位

下、生葛井親王、春日內親王、

文德實錄、春日內親王、據皇胤

紹運錄

紀若子、

○若或大納言船守女也、一代要記

錄 延曆八年叙從五位上、十年進從四位下、

續日本紀 生明日香親王、皇胤紹運錄

坂上又子○續日本後紀三代實錄相近左京大

夫蒞田麻呂女也帝為儲貳以選入宮授正

五位上生高津內親王延曆九年七月卒續日本紀

藤原上子大納言小黑麻呂女也授正五位

下生滋野內親王文德實錄

藤原河子從四位上大繼女也以選入宮叙

從五位上文德實錄生仲野親王安敕內親

王大井內親王紀內親王善原內親王實錄

和五年正月卒續日本紀

河上好○皇胤紹運錄外從五位下錦部春

人女也授從五位上生坂本親王一代要記

百濟教仁從五位上武鏡女也一代要記

位下今據續敘從五位下生太田親王一代要記

帝玉編

百濟貞香從四位下教德女也敘從五位下

一代要記○本書教德作生駿河內親王一代

教法今從皇胤紹運錄

大田本紀 卷之十一

川傳 十七

要記皇胤  
紹運錄

藤原東子、中納言種繼女也、生甘南美内親

王、日本紀略皇胤紹運錄、日本紀東子據紹運錄

藤原南子、中納言已敷女也、生伊登内親王、

三代實錄皇胤紹運錄、南子據紹運錄

中臣豐子、正六位上、大魚女也、生布勢内親

王、皇胤紹運錄、代要記、大魚書正六位上、據要記

橘田村子、入居女也、生池上内親王、皇胤一系圖

要記帝王編年記、皇胤紹運錄、池上内親王母同賀樂、然則田村子即御井子、橘氏

年記、又按三代實錄曰、藤原良繩室、入居女也、名曰田村子、蓋田村子初

為桓武宮人、後嫁良繩乎、

多治比豐繼、初為女孺、生長岡岡成、一代要記、皇胤

紹運錄、作多治比豐繼女、今從姓氏錄

百濟永繼、正五位上、飛鳥部奈止丸女也、公卿

補任初適藤原内麻呂、生真夏冬嗣、公卿補任

後入宮為女孺、生良峯安世、授從七位下、姓氏

錄、公卿補任、○尊卑分脈、作從五位上、或從五位下

大日本史卷之七十六終

大日本史卷之七十一  
（以下為極淡之墨迹，內容難以辨識）

大日本史卷之七十七

夫入朝氣氣列傳第四

權中納言從三位源光圀 修

高平男權中納言從三位綱條 校

玄孫權中納言從三位治保重校

后妃四

平城藤原皇后

妃朝原内親王

妃大宅内親王

皇朝通志 卷之七十一 列傳 十一

尚侍藤原藥子

伊勢繼子

平葛井藤子

紀魚員

嵯峨橘皇后

妃高津内親王

妃多治比高子

夫人藤原產子

大日本夫人藤原緒夏

女御大原淨子

女御百濟貴命

更衣秋篠高子

更衣山田近子

更衣飯高宅眉

尚侍百濟慶命

笠繼子

大原金子

高階河子

大日本史 卷之七十一 列傳 十一

交野女王

文室文子

廣井氏

上毛野氏

安倍楊津

田中氏

栗田氏

惟良氏

長岡氏

布勢氏

當麻氏

紀氏

内藏氏

甘南備氏

淳和皇后

皇后

女御永原氏

女御橘氏子

尚藏緒繼女王

大中臣安子

大野鷹子

橘船子

丹墀池子

清原春子

仁明藤原皇后

藤原皇后

女御滋野繩子

女御藤原貞子

更衣紀種子

更衣三國氏

藤原賀登子

藤原小童子

高宗女王

百濟永慶

山口氏

文德藤原皇后

女御藤原古子

女御東子女王

女御藤原年子

女御藤原多可幾子

女御藤原是子

更衣紀靜子

滋野岑子

滋野與子

藤原今子

藤原列子

伴氏

多治氏

清原氏

菅原氏

布勢氏

平城藤原皇后諱帶子式部卿百川女也帝

在儲宮納為妃日本本紀後略延曆十三年嬰病

遷木蓮子院薨日本本紀略帝即位追贈皇后日本本紀後



日本略

妃朝原内親王延曆元年為伊勢齋一代要記齋宮

記四年桓武帝親臨齋所發遣百官送至大

和界續日本紀十五年罷歸京師按日本紀略是歲二月奉幣

伊勢以齋内親王退也而不載其名據類聚

國史日本紀略四年至是歲無齋王卜定明年

年以布施内親王為齋一代要記帝王編年

記桓武朝齋王惟載朝原布施二内親王然

為則朝原明矣敘三品後日本紀十七年賜田二百

五十町日本略後進二品按進位為妃年月

品聚國史日本紀略並曰弘仁三年四月妃二

皇而不言為何帝妃皇胤紹運錄歷代入宮

無寵皇胤紹運錄弘仁三年罷日本後紀類

略日本略嘉祥二年薨仁明帝不視事三日續日本後

妃大宅内親王敘四品與朝原内親王同時

罷日本後紀類聚國史後進三品天長五年薨染

紀略日本略嘉祥二年薨仁明帝不視事三日續日本後

尚侍藤原藥子中納言種繼女也適中納言

尚侍藤原藥子中納言種繼女也適中納言

藤原繩主生三男一女帝為太子時其長女以選入宮後藥子為東宮宣旨帝私焉桓武帝惡而逐之帝即位又召為尚侍敘正三位恩寵隆渥藥子善為嬪以求幸矯託百端帝不知其奸所言無不聽百司眾務吐納自由威福之盛熏灼四方帝禪位居平城藥子與兄仲成驕恣益熾日本後紀密謀使帝再莅阼已居后位水鏡遂矯命將遷都平城京師騷動嗟峨帝震怒收仲成下詔暴白藥子罪狀

奪其官位擯於宮外帝怒遂發兵與藥子同與而東大軍塞路不得進還宮薙髮藥子仰

藥而死日本紀略

伊勢繼子木工頭老人女也三代實錄○老人書木工頭據

續日本紀帝在儲宮納之日本後紀生廢太子高岳親

王巨勢親王三代實錄上毛野內親王石上內親

王皇胤紹運錄歷代皇紀四年賜田十一町

類聚史尋進從四位下弘仁三年卒年四十一

贈從三位日本後紀

葛井藤子

皇胤紹運錄、葛井作番長、一代要記、藤子作藤繼、曰正五位下葛井

宿禰道依女、後改番長、正五位下道依女也

朝臣、今從續日本後紀、一代要記○紹運錄生阿保親王仁明帝即

位、敘從五位下、續日本後紀

紀魚員、從三位木津魚女也、敘從五位下、生

叡努內親王、續日本後紀

嵯峨橘皇后、諱嘉智子、內舍人清友女也、后

未笄時、法華寺有尼禪雲、把后臂謂曰、娘子

後當為天子皇后母、后資性寬和、風容絕異、

垂手過膝、髮委於地、帝為親王、納之有寵、文德

實錄登阼進為夫人、文德實錄、為弘仁初為夫人、今據類聚國史、日本紀

略尋賜封一百戶、弘仁初進從三位、日本紀五

年賜尾張丹羽郡田二十四町、日本後紀六年七

月七日后夢著瓔珞、莊嚴如佛、數日立為皇

后、正位之後、專務化導、宮闈邕穆、朝野稱之、

帝敬重加隆、生仁明帝、淳和皇后、文德實錄秀良

親王、帝王編年記、為高津內親王所生、今據續日本後紀、承和元年十月之文、從皇

胤紹運錄、源氏系圖、秀子內親王、皇胤紹運錄、皇胤系

圖、為大原淨子所生、俊子內親王、皇胤紹運錄、皇胤系

今從續日本後紀、圖、為淨子所生、今從一繁子內親王、皇胤紹運錄、皇胤系

代、要記帝王編年記、亂系圖、為文屋文子芳子內親王、皇胤紹運錄、皇胤系

亂系圖、為文屋文子、圖、為文子所生、按續日本後紀淳和帝立、尊

曰、皇太后、奉封一千戶、日本後紀仁明帝立、尊曰

大皇太后、承和三、年奉平城京空閒地二百

三十町、充朱雀院、明年奉近江荒田六十四

町、充後院、九年遷御冷然院、續日本後紀嘉祥三

年、仁明帝不豫、后憂念之、遂剃髮為尼、以求

冥救、續日本後紀為三月帝崩、后以五月

崩、年六十五、葬於深谷山、遺令薄葬、不營山

陵、世傳后遺令曰、不用葬儀、棄于中野、耽

色欲者、見我爛穢、有少警悟也、及崩、棄屍

于西郊、後拾其拳、以收埋、因號先是民間訛

言、今茲無母子、三月三日不可以造饅、母子

者、野草名也、時俗用以造糕、故云、識者聞而

惡之、至于三月、宮車晏駕、未幾、后亦崩、后篤

信佛、建檀林寺、置比丘尼持律者、仁明帝施

捨五百戶、以充供養、文德世稱檀林皇后、實錄皇

代略 后嘗多造寶幡及繡文袈裟窮盡巧妙

左右不知其意後遣沙門慧萼於唐以繡文

袈裟施僧伽及康僧等以寶幡鏡奩之具藏

五臺山寺○按元亨釋書慧萼齊衡初應橘

寺謁齊安禪師致幣遂得義空長老而歸世

多珥多菟玖毛波古古珥多玖比能計布利

奈利計利齊安聞而許可曰東域深解之人

又與弟右大臣氏公議開學舍名學館院勸

諸子弟誦習經書時人以比漢鄧皇后實德錄

妃高津內親王生業良親王三代實錄業子內親

王日本紀略皇胤系圖錄踐阼初敘三品立

為妃日本紀略續紀未幾而廢承和八年薨遣

使監護喪事續日本紀

妃多治比高子從五位下氏守女也一代要記踐

阼初為夫人封百戶日本紀略弘仁元年進從

三位六年為妃日本後紀十一年進從二位

一代要記 天長三年薨年三十九就第贈從一位

日本紀略

日本紀略

夫人藤原產子弘仁初入掖庭進從三位日本

略後為夫人一代要記進從二位天長六年薨年

六十九日本紀略

夫人藤原緒夏右大臣内麻呂女也弘仁元

年敘從五位上三年進從四位下文德實錄六年

立為夫人日本後紀類聚國史○進從三位

日本後紀實錄齊衡二年薨贈正二位文德實錄

女御大原淨子正六位上家繼女也一代要記敘

正五位下弘仁五年進從四位下日本紀生仁

子内親王皇胤紹運錄敘從三位承和八年薨續日

本後紀女御百濟貴命鎮守將軍俊哲女也貴命姿

質姝麗閑於女工為女御文德實錄生基良親王

皇胤紹運錄帝王圖忠良親王文德實錄基子内親

王皇胤紹運錄一代要記弘仁十年敘從五

位上進從四位下仁壽元年卒文德實錄

更衣秋篠高子更衣後紀續日本後紀○續日

國史京子今從皇胤紹運承和九年敘從五

錄一代要記帝王編年記承和九年敘從五

位上嘉祥二年授從四位下續日本後進正

四位下皇胤紹運錄生源清皇胤紹運錄

更年記衣山田近子胤紹運錄日本後紀○按皇

圖山口田或帝晚年納之有寵生源啓三代實錄源

密皇胤紹運錄承和九年授從五位

上續日本後紀源氏系圖

更衣飯高宅眉源氏系圖生源常文德實錄源明

尚侍百濟慶命鎮守將軍教俊女也一代要記動

有禮則帝甚貴重三代實錄源鎮源氏

系圖一代要記進從三位天長七年特賜封

五日本紀十戶承和初帝遷御嵯峨院是為大

院為築別宮號曰小院其寵渥如此三代實錄三

年為尚侍八年進從二位嘉祥二年薨敕贈

從一位遣使監護喪事續日本後紀

笠繼子公卿補任生源○按皇胤紹運錄以生

為大原全嘉祥二年進從三位後續日本

子所生誤嘉祥二年進從三位後續日本

子所生誤嘉祥二年進從三位後續日本

大原金子、生源融、續日本後紀、源勤、源盈姬、

皇胤紹運錄、嘉祥二年進正五位下、續日本

高階河子、按皇胤紹運錄、帝王編年記、從

四位上、淨階女也、生宗子內親王、授從五位

上、文德實錄、

交野女王、從五位上、山口王女也、續日本後

紀、書幸姬、王氏、今據一代要記、帝生有智子內親王、續

日本後紀、弘仁十四年授從五位上、類聚國史、

文室文子、正五位下、久我麻呂女也、生純子

內親王、三代實錄、齊子內親王、授從五位上、文德實錄、

廣井氏、生源信、三代實錄、

上毛野氏、生源弘、三代實錄、

安倍楊津、楊津據一、生源寬、皇胤紹運錄、一

年記、皇胤系圖、

田中氏、生源澄、皇胤紹運錄、一代要記、

粟田氏、生源安、文德實錄、

惟良氏、生源勝、三代實錄、

長岡氏、生源賢、皇胤紹運錄、一代要記、

帝王編年記、皇胤系圖、



布勢氏、生源貞姬、源端姬、皇胤紹運錄

當麻氏、正六位上、治田麻呂女也、生源潔姬、

源全姬、三代實錄

紀氏、生源更姬、皇胤紹運錄一代

內藏氏、○按續日本後紀授內藏生源神姬、

源容姬、源吾姬、皇胤紹運錄一代

甘南備氏、生源聲姬、皇胤紹運錄一代

淳和皇后、諱高志、初為內親王、桓武帝最鍾

愛配帝以為妃、敘三品、生恒世親王、日本紀略氏

子內親王、有子內親王、三代實錄貞子內親王、續

日本後紀○按皇胤紹運錄為氏子、有子貞子

母同恒貞一代要記有子貞子、母大中臣安

子、帝王編年記貞子、大同四年五月薨、年二

十一、遣使監護喪事、贈一品、帝即位詔贈皇

后、日本紀略改墓號石作陵、延喜式○按類聚國

紀略二年將改葬而不果、三年任置國忌齋、據

代實錄天安二天長四年敕施墾田十町於

橋寺、為春秋悔過料、修藥師悔過於東西二

寺、薦真福、類聚國史

皇后諱正子、嵯峨帝第二女也。○按本書為長女、今據日

本紀略訂之、說見皇女傳、美姿容、貞婉有禮度、嵯峨帝及

橘太后鍾愛之。三代實錄初為內親王、日本紀略帝備

禮聘之、納於掖庭、后有母儀之德、中表則之、

生廢太子恒貞、三代實錄恒統親王、續日本紀基貞

親王、三代實錄○按續日本後紀、日本紀略、

皇太后所生、不止此三子、然或不載名、或不

大殤、故不列此、天長四年立為皇后、日本紀略八年

允旱、帝深憂之、祈請百端、后勸帝錄囚、罷作

役、不終朝、澍雨、帝愈重之、三代實錄○按類

聚國史、日本紀略

是年禳風雨災者二、無亢旱文、明年疫、九年

旱、轉經修雩、據此八年疑當作九年、日本紀略

夏后幸雲林亭觀農業、賜耕種男女物、日本紀略

十年帝傳位於仁明帝、敕停皇后號、廢官屬、

仁明帝尊為皇太后、三代實錄承和二年仁明帝

奉封一千戶、三年奉河內荒廢田、禿後院、續

日本紀後七年淳和帝崩、后落髮為尼、毀容骨立、

○按續日本後紀、承和九年十二月乙丑、齊

淳和太皇太后落髮、實差二年、未知孰是、

衡元年文德帝尊為大皇太后、貞觀二年、后

設大齋會於淳和院、延諸寺名僧、講法華經、

裝具觀施、傾盡財寶、清和帝及皇太夫人施  
 新錢及米鹽醴粳等物於僧俗男女、幾三萬  
 人、后受菩薩戒于延曆寺座主圓仁、法名良  
 祚、十年、后年六十、使六十僧講經東京宮、賜  
 京師貧民物、十六年、淳和院火、后御素車出  
 宮、避火於松下院、清和帝遣參議藤原家宗  
 慰問、奉絹絲布錢米鐵、尋還本院洞裏殿、元  
 慶三年三月疾篤、命左右曰、天長天子、遺命  
 火葬、不置山陵、無園廟之可陪、吾瞑目之日、

棺用朽材、藏嵯峨山、無置守冢、不配國忌、一  
 如先後太上天皇之制、語終而崩、年七十一、

○七十一、本文脫一字、今據貞觀十年十一月辛巳條、而推年紀以訂之、葬嵯峨

山、后慈仁、天至、務在濟物、收東西京棄兒孤  
 孩、給乳母、多所養育、割封戶五分之一、以充  
 其費、貞觀中捨嵯峨舊宮為精舍、請清和帝  
 賜額曰大覺寺、建舍其側、療僧尼病、名曰濟  
 治院、又以淳和院為道場、置平日所陪侍尼  
 三代實錄、后嘗製衲袈裟、施唐國清寺、以充僧智

顛忌齋之具國類聚

女御永原氏入宮有寵嵯峨帝以源定為帝

子帝以女御為之母稱亭子女御三代實錄

女御橘氏子從三位永名女也一代實錄貞觀五

年進從四位上三代實錄

尚藏○一代要記緒繼女玉敘從二位善作妖

媚帝殊寵幸承和十四年薨年六十一遺命

不受葬使續日本紀

大中臣安子從四位上淵魚女也生良貞親

王皇胤紹運錄一代要記齊衡二年敘從五

位上文德實錄

大野鷹子左近衛中將真雄女也生寬子內

親王皇胤紹運錄一代要記皇胤系圖○按

橘船子從四位上淨野女也生崇子內親王

續日本後紀一代要記帝王編年記

丹墀池子從五位上門成女也○池子皇胤紹運錄一代

要記帝王編年記皇胤系圖作常子誤生同子內親王三代實錄

清原春子右大臣夏野女也生明子內親王

文德  
實錄

大日本史

卷七十七

列傳

七

仁明藤原皇后諱順子左大臣冬嗣女也美  
姿色初在家晨盥有氣如虹降亘盤卜者曰

此至貴之兆也帝為儲貳入宮有寵生文德

帝踐阼初授從四位下為女御三代實錄女御據續日本

紀後承和十一年進從三位續日本後紀文德

帝即位尊為皇太夫人文德實錄移東五條

院儀擬乘輿遣左右近衛將監以下宿衛齊

衡元年詔曰人之至親莫親於母子故子登

尊位則貴歸於母古先哲王未有違之者朕

以不造夙罹閔凶憂深思遠茫若無涯當此

之時有嵯峨大皇太后淳和太后竝存朕以

尊母之典雖光故實而申厭之制存亡異禮

故以所生藤氏為皇太夫人冀謙損之美以

招後福然今大皇太后山陵之事既歷多年

而淳和太后未進徽號所生藤氏猶稱夫人

人子之禮何心能安凱風自南之時最感長

養之恩敢咨舊章奉崇尊號其尊皇太后為

大日本史

卷七十七

列傳

七

大皇太后、皇太夫人為皇太后、載育萬邦、厚德無疆、俾我四瀛、永有所賴。文德實錄天安二年、文德帝崩、清和帝幼冲、后依羣臣之請、與帝同輿、遷御東宮。貞觀二年、夏、還東五條院。秋、不豫、帝度二十人以禱之。冬、大修齋會於本宮。三年、臨太政大臣良房、染殿第。王公以下畢會、張宴奏樂、賜衣物、詣大原野社、以藤原氏六位以下為儀從。三代實錄大原野行啓始于此。江家次第落髮為尼、受戒。六年、尊為太皇太后。

十三年九月崩、葬宇治郡後山階山陵。三代實錄

置國忌於東寺。日本紀略

日本紀略

稱五條后、后性和厚貞

正、禮則修備、母儀少比、深信釋教、建安祥寺、

年分度僧、修大乘道。三代實錄

三代實錄

藤原皇后、諱澤子。續日本後紀

續日本後紀

作淨大鏡

作障

竝誤

紀

伊守總繼女也。續日本後紀

續日本後紀

三代實錄

紀

為女御

敘從四

位下

寵冠後宮、生宗康親王、光孝帝、人康親

王、新子內親王、承和六年卒、帝哀悼、遣中使

贈從三位。

續日本後紀

葬於山城愛宕郡鳥戶鄉。

光孝帝即位追尊曰皇太后改墓號中尾山  
 陵置國忌齋於東大寺列十陵仁和元年置  
 守陵五戶三代實錄烏戶鄉及中尾山陵據延喜式  
 女御滋野繩子參議貞主女也女御據源秉氏系圖  
 心和順進退中規帝殊加恩幸生本康親王  
 時子內親王柔子內親王文德實錄○皇胤紹運錄柔子母同  
 誤成康承和三年敘正五位下續日本後紀  
 位上三代實錄  
 女御藤原貞子右大臣三守女也帝為儲貳

選入宮生成康親王親子內親王平子內親  
 王三代實錄按本書曰生二皇女而名闕今據皇胤紹運錄帝王編年記皇胤系圖  
 踐阼初授從四位下三代實錄承和六年進從三  
 位續日本後紀資性婉順文德實錄言必典禮宮  
 掖仰德帝亦重之續日本後紀雖不登后位而寵  
 數殊絕終始不衰後宮無與比者三代實錄文德  
 帝即位進正三位仁明帝崩後哀慕毀戚殆  
 廢飲食枕席有涕泣處左右見者皆悲惻焉  
 仁壽元年為尼戒行薰修道俗稱之文德實錄貞

觀六年八月薨，敕贈從一位，以仁明帝嘗有

恩許，祔葬於深草山陵兆域，遣使監護葬事。

仁和三年，敕修轉念功德於嘉祥寺。

三代實錄

更衣紀種子，正四位下，名虎女也。

三代實錄 實錄 實錄

氏系圖 ○按本書作從四位上，據續日本後紀訂之。生常康親王。

文德實錄

皇胤紹運錄真子內親王，敘正五位下。

三代實錄

更衣三國氏，生貞登，承和初三國氏有過失。

貞登坐削屬籍。

三代實錄

藤原賀登子，肥前守福當麻呂女也，生國康。

親王。

皇胤紹運錄，一代要記，帝王編年分脈，承和記，皇胤系圖，肥前守據尊卑。

九年授正六位上。

續日本後紀

進從五位上。

皇胤系圖

作從五位下，今從一代要記。

藤原小童子，從五位下，道長女也，生重子內

親王。

三代實錄，授從五位上，一代要記。

高宗女王，從四位上，岡屋王女也。

皇胤系圖，生久

子內親王。

一代要記，皇胤系圖，紹運錄。

授從五位上。

一代

要記

百濟永慶。

永慶據一代要記，皇胤系圖。

從五位上，教復女。



也○按皇胤紹運錄一代要記帝王編年記復作俊據此則鎮守府將軍教俊女而嗟  
也女御慶命妹生高子內親王三代實錄

山口氏生源覺三代實錄

文德藤原皇后諱明子太政大臣良房女也

生清和帝三代實錄儀子內親王皇胤紹運錄貴女鈔齋院記

仁壽三年進從三位文德實錄天安二年超敘從

一位一代要記清和帝即位尊為皇太夫人貞觀

六年尊為皇太后八年冬遷新造常寧殿明

年春帝設曲宴慶之稱觴為壽賜宮僚物有

差十年冬太后年四十敕遣使近京四十寺

平城四十寺修轉經功德設曲宴於本殿賜

王公卿士物進宮僚侍女位集貧民於朱雀

門賜物十四年秋遷染殿宮十六年春遷職

院元慶二年冬太后年五十上皇使五十僧

講法華經於清和院王公百官畢會六年正

月陽成帝尊曰大皇太后仁和元年二月請

減服御還女官光孝帝不聽三代實錄昌泰三年

五月崩年七十二扶桑略記係正月今從大鏡裏書一代要記帝王編

年記七十二日本紀略扶桑略記大鏡裏書

並作七十三今據帝王編年記及三代實錄

元慶二年葬愛宕郡白河山陵延喜稱式

殿后大鏡一代要記古今和歌集

女御藤原古子左大臣冬嗣女而五條后妹

也分尊卑嘉祥三年為女御仁壽三年進從三

位文德實錄清和帝即位進從一位貞觀三年薙

髮三代實錄女御東子女王嘉祥三年為女御文德實錄敘從

四位下貞觀七年卒三代實錄

女御藤原年子嘉祥三年為女御文德實錄

女御藤原多可幾子右大臣良相長女也少

有雅操三代實錄嘉祥三年為女御三代實錄初入掖

庭為女御今仁壽二年敘正五位下三代實錄齊

從文德實錄衡元年進從四位下文德實錄天安二年卒

三代實錄女御藤原是子嘉祥三年為女御文德實錄

更衣紀靜子正四位下名虎女也皇胤紹運

記更衣據紀氏生惟喬親王惟條親王怡子

系圖作者部類

內親王、述子內親王、珍子內親王、皇胤紹運錄、帝王編

年記、皇胤系圖、天安二年敘正五位下、實錄、德錄、後進從

四位上、一代要記、貞觀八年二月卒、管家文草

滋野岑子、攝津守貞雄女也、敘從五位上、三代

實錄、生源本有源載有源淵子、三代實錄、皇胤

代實錄曰、誕二皇子二皇女、並賜源姓、而一皇女名闕、今無所考、

滋野奧子、參議貞主女也、頗有風儀、閻訓克

脩、生惟彥親王、濃子內親王、勝子內親王、文德

實錄

藤原今子、參議貞守女也、貞守一代要記、皇胤系圖、作守貞、今

從帝王編年記、生惟恒親王、皇胤紹運錄、一代要記、

禮子內親王、揭子內親王、皇胤紹運錄、○按

系圖、揭子母同、惟喬、未知孰是、

藤原列子、從五位上是雄女也、三代實錄、列

運錄、帝王編年記、生晏子內親王、皇胤紹運錄、

皇胤系圖、慧子內親王、三代實錄

伴氏、生源能有、皇胤紹運錄、公卿補任、

多治氏、生源每有、文德實錄

清原氏生源時有

文德實錄

菅原氏生源定有

皇胤紹運錄  
帝王編年記

源富子

三代實錄

布勢氏生源行有

三代實錄

*[Faded bleed-through text from the reverse side of the page]*

大日本史卷之七十八

列傳第五

權中納言從三位源光圀

修

男權中納言從三位綱條

校

玄孫權中納言從三位治保

重校

后妃五

清和藤原皇后

女御藤原多美子

女御平寬子

女御嘉子女王

女御源濟子

女御源貞子

女御隆子女王

女御兼子女王

女御忠子女王

女御藤原賴子

女御藤原佳珠子

女御源嚴子

女御源暄子

女御源宜子

更衣藤原氏

更衣在原氏

更衣藤原氏

更衣藤原氏

更衣佐伯氏

橘氏

藤原氏

王氏

藤原氏

賀茂氏

大野氏

陽成後宮姊子女王

藤原氏

紀氏

伴氏

佐伯氏

光孝王皇后

女御藤原佳美子

女御平等子

女御藤原元善

更衣讚岐氏

王氏

布勢氏

多治氏

宇多藤原中宮

藤原皇后

女御橘義子

女御菅原衍子

女御橘房子

更衣源貞子

尚侍藤原褒子

藤原氏

王氏

藤原氏

醍醐藤原皇后

妃為子内親王

女御源和子

女御藤原仁善子

女御藤原能子

女御藤原和香子

更衣藤原叔姬

更衣源周子

更衣藤原鮮子

更衣藤原桑子

更衣源封子

更衣滿子女王

更衣源貞子香子

更衣藤原氏子

源氏

清和藤原皇后諱高子中納言長良第二女也愚管鈔貴女初在家后兄基經夢后露卧庭中頃之腹潰氣升屬天成日後以選入宮

○大鏡曰后在家日在原業平密通之盜而夜奔兄國經基經追取之後以深殿后之故以選入宮掖遂至受恩所謂授從五位下貞觀

八年十二月為女御九年進正五位下生陽

成帝貞保親王敦子內親王○按齊院記皇

子母同貞平誤十一年進從四位下十三年授從三

位陽成帝即位尊為皇太夫人三代稱中宮

大鏡中元慶六年尊為皇太后去歲太后壽

四十以大喪廢慶禮三月設宴於清涼殿張

樂奏舞玉卿悉會三代實錄寬平八年以與東光



寺僧善祐姦廢扶桑略記後賜封四百戶大鏡

書裏延喜十年三月薨年六十九日本紀略扶

書裏帝不視事日本紀略○本天慶六年追復

本位大鏡裏書稱二條后一代要記古

女御藤原多美子右大臣良相女也性安詳

美容色以婦德稱貞觀五年授從四位下帝

冠以選入宮有專房寵數日為女御授從三

位八年敕年給二分官一人一分官一人九

年轉正三位元慶元年進從二位七年至正

二位仁和二年薨多美子德行甚高為中表

所依帝重之及帝薨髮亦為尼持齋勤修晏

駕之後收拾平生所賜宸筆書以書法華經

設齋會慶之受大乘戒即日薨三代實錄

女御平寬子貞觀六年為女御八年授正五

位下十一年進從四位下三代實錄

女御嘉子女王貞觀元年敕從四位下九年

為女御十年進從四位上三代實錄

女御源濟子貞觀九年為女御十年授從四

位上三代實錄

女御源貞子、貞觀九年為女御、十年授從四

位下、十五年卒三代實錄稱溫明殿女御一代要記

女御隆子女王、元慶元年敘正四位下三代實錄

女御兼子女王、貞觀十五年為女御、元慶元

年敘正四位下三代實錄

女御忠子女王、貞觀十二年為女御三代實錄敘

從四位下日本紀略延喜四年卒日本紀略

女御藤原賴子、太政大臣基經女也、為女御

尊卑分脈一代要記、敘從四位下一代要記

女御藤原佳珠子、賴子妹也三代實錄參取

卑分脈一代要記、貞觀十五年為女御三代實錄敘正五

位下一代要記生貞辰親王三代實錄參取皇胤

女御源嚴子、右大臣能有女也源氏圖為女御

敘從四位下、元慶三年卒三代實錄稱溫明殿女

御一代要記

女御源暄子、敘正五位下三代實錄後進正四位

下一代要記

女御源宜子、參議興基女也、貞觀十八年為

女御三代實錄敘正五位下一代要記

更衣藤原氏、神祇伯良近女也、生貞平親王、

識子內親王三代實錄

更衣在原氏、中納言行平女也、生貞數親王、

包子內親王三代實錄

更衣藤原氏、齋宮頭諸藤女也、生貞真親王、

三代實錄○按一代要記諸藤作說成誤

更衣藤原氏、木工權太允直宗女也、生貞賴

親王三代實錄

更衣佐伯氏、信濃權介子房女也、生源長鑿、

源長賴三代實錄

橘氏、治部大輔休蔭女也、生貞固親王三代實錄

藤原氏、參議仲親女也、生貞元親王三代實錄

王氏、中務大輔棟貞王女也、生貞純親王三代實錄

三代實錄

藤原氏、中納言諸葛女也、生孟子內親王三代實錄

三代實錄

賀茂氏越中守峯雄女也、生源長猷源載子、

按皇胤紹運錄長猷載子母大野氏一說載子母同貞平並誤今從三代實錄

大野氏石見守鷹取女也、生源長淵三代實錄

陽成後宮姉子女王、敘從三位、生元長親王、

元利親王、長子內親王、儼子內親王、源氏系圖、帝王

編年記

藤原氏主殿頭遠長女也、生元良親王、元平

親王、一代要記、源氏系圖、皇胤紹運錄

紀氏稱紀君、生源清蔭源氏系圖、皇胤紹運錄

伴氏、生源清鑒、一代要記、帝王編年記

佐伯氏、生源清遠、源氏系圖、皇胤紹運錄、帝王編年記

光孝王皇后、諱班子、仲野親王女也、帝龍潛

之日納之、敘從四位下、三代實錄生是忠親王、是

貞親王、一代要記、帝王編年記宇多帝、三代實錄、帝王編年記源

元長、一代要記忠子內親王、皇胤紹運錄簡子內

親王、帝王編年記綏子內親王、皇胤紹運錄親王、皇胤系圖

帝王編年記帝即位、進從三位、為女御、仁和三年

進從二位、三代實錄宇多帝即位、尊為皇太夫人、

寬平九年尊為皇太后

大鏡裏書

昌泰三年四月

崩年四十八、葬葛野郡頭陀寺側、稱洞院太

后

日本紀略記

后初在小松宮、出市買物、及尊

日一繞帳、為買物狀、不如此則意不樂

世繼物語

女御藤原佳美子、敘從四位下、元慶八年為

女御、仁和三年進正四位下

三代實錄

寬平八年

進從三位

一代要記

昌泰元年七月薨

日本紀略一代要記

女御平等子、元慶八年為女御、仁和二年授

正五位下

三代實錄

進從三位

一代要記

女御藤原元善、中納言山陰女也、為更衣、敘

從五位上、仁和三年為女御

三代實錄

更衣讚岐氏、大判事永直女也、生源舊鑿

三代

實錄

王氏、參議正如王女也、生穆子內親王

皇胤紹運

錄、齋院記、貴女鈔、○按公卿補任諸系圖、無正如王者、疑當作正躬王

布勢氏、生滋水清實

三代實錄

多治氏、生緩子

皇胤紹運錄

宇多藤原中宮、諱溫子、太政大臣基經女也

大正... 卷七十八... 死傳...

仁和四年十月入宮、授正四位下、為女御、一代

要記 生均子內親王、一代要記 皇胤系圖 寬平五年進正

三位、一代要記 醍醐帝即位、尊為皇太夫人、稱中

宮、一日本紀略 延喜五年五月落髮、日本紀略

○按一代要記 七年六月崩、年三十六、一代要記

略十、今從日本紀略 扶桑 稱東七條后、日本紀略

略扶桑 藤原皇后、諱胤子、內大臣高藤長女也、仁和

四年九月為更衣、寬平五年正月授從四位

下、為女御、大鏡裏書 生醍醐帝、日本紀略 敦慶親

王、敦固親王、敦實親王、柔子內親王、皇胤

八年六月卒、大鏡裏書 葬宇治郡小野、延喜

醍醐帝即位、追尊為皇太后、日本紀略 置國

忌、列荷前幣、延喜 延喜三年八月、帝親書法

華經、薦冥福於勸修寺、日本紀略 延長三年八月、

修繡曼陀羅神筆法於勸修寺、日本紀略

女御橘義子、參議廣相女也、皇胤 紹運錄、寬

平五年為女御、八年授從四位上、一代要記 生齊

平五年為女御、八年授從四位上、一代要記 生齊

平五年為女御、八年授從四位上、一代要記 生齊

中親王、齊世親王、齊邦親王、皇胤紹運錄、君

子內親王、皇胤紹運錄、貴女鈔

女御菅原衍子、右大臣道真長女也、一代要記、尊卑

分寬平八年為女御、敘從四位下、一代要記

女御橘房子、為女御、敘從四位下、寬平五年

卒、一代要記

更衣源貞子、大納言昇女也、授從五位上、生

依子內親王、皇胤紹運錄、一代要記

尚侍藤原褒子、左大臣時平女也、生雅明親

王、載明親王、行明親王、進從二位、稱京極御

息所、皇胤紹運錄、一代要記、又稱富小路御息所、大鏡

藤原氏、大和守繼蔭女也、初侍東七條中宮、

時繼蔭為伊勢守、藤原系圖、仙傳、因稱伊勢、藤原系圖

長和歌獲幸生皇子、伊勢家集、藤原系圖、歌仙傳、○按家集曰、皇子

八歲大而不載其名、今無所考

王氏、參議十世王女也、生子子內親王、皇胤紹運

錄、一代要記

藤原氏、參議有實女也、生誨子內親王、皇胤紹運

錄一代季子内親王皇胤系圖

醍醐藤原皇后諱穩子太政大臣基經第四

女也扶桑略記大鏡裏書延喜元年為女御日本紀略大鏡裏書

後敘從三位大鏡裏書生文獻太子朱雀帝村上

帝日本紀略扶桑略大鏡裏書康子内親王皇胤紹運錄

延長元年四月立為皇后大鏡裏書承平

元年尊為皇太后日本紀略四年三月太后

年五十帝行慶壽禮於常寧殿修諷誦於諸

寺賜度者五十人天慶二年十月不豫賜度

者六十人七年年六十敕修諷誦於十三寺

賜京師貧民物村上帝即位尊為大皇太后

日本紀略天曆八年正月崩于昭陽舍年七十扶桑

略記薨宇治陵列荷前幣西宮記江家次第置國忌于

東寺江家次第又每歲修法華八講於法性寺以

薦冥福永為恒式公事根源

妃為子内親王光孝帝女也元慶八年賜姓

源朝臣三代實錄寬平三年為内親王一代帝受

禪入宮授三品為妃日本紀略生勸子内親



王皇胤昌泰二年三月薨帝不視事三日

遣中納言藤原國經就家宣制贈一品日略本

女御源和子光孝帝女也仁和元年賜姓源

朝臣三代實錄後入宮授正三位為女御稱承香

殿女御一代要記生常明親王式明親王有明親

王一代要記皇慶子內親王韶子內親王齊

子內親王皇胤天曆元年七月薨日略本

女御藤原仁善子○一代要記無仁右大臣

定方女也一代要記藤原授正五位下日略本

○一代要記稱三條御息所藤原系圖○按

迹尤相疑似而一代要記無仁字則善能訓

載二人則未可輒定為一人又按外記日併

天慶八年十二月十九日條載正五位下藤

原朝臣仁善子卒仁善子者故贈太政大臣

第一女先坊御息所王女御母也此所謂藤

原仁善子廼左大臣時平女而入文獻太子

宮者非定方女為帝女御者而姓名位階

女御藤原能子亦定方女也○按藤原系圖

更衣欣子而不載能子河海鈔所載能子一

作欣子則系圖欣子蓋以筆畫相近誤也

康保元年四月卒日略本

女御藤原和香子、大納言定國女也、授正五位下、延喜三年為女御、承平五年十一月卒、

一代要記

更衣藤原淑姬、參議管根女也、為更衣、敘從

四位上、公卿補任、生長明親王、兼明親王、一代要記

要記、皇胤英子內親王、源自明、皇胤系圖、

天曆二年八月卒、公卿補任

更衣源周子、右大辨唱女也、公卿補任、紹運錄、帝王編

年為更衣、敘從四位下、公卿補任稱近江更衣、源氏

系圖○作者部、生時明親王、盛明親王、一代要記

皇胤紹運錄、○按紹運錄、系圖、源高明、公卿

補任、皇胤勤子內親王、郁子內親王、雅子內

親王、源兼子、皇胤系圖承平六年卒、日本紀略

更衣藤原鮮子、伊豫介連永女也、為更衣、皇胤

紹運錄敘從五位上、扶桑略記生代明親王、恭子內

親王、一代要記、皇胤婉子內親王、敏子內親王、

皇胤延喜十五年四月卒、日本紀略詔賻

絹布、日本紀略

大日本史卷之七十八  
五十一

更衣藤原桑子中納言兼輔女也生章明親

王一代要記皇胤紹

更衣源封子一代要記○按皇胤系左京太

夫舊鑿女也皇胤紹運錄生克明親王一代

皇胤紹運錄源氏系圖○按帝王編宣子內

親王皇胤紹運錄靖子內親王皇胤紹運錄

更衣滿子女王民部大輔輔相王女也生修

子內親王一代要記皇胤紹運錄普子內親王皇胤紹

胤系圖

更衣源貞子大納言昇女也尊卑分脈○按

子時光孝女和子為生重明親王一代要記

錄源氏系圖稱小八條御息所作者部類

更衣藤原氏參議伊衡女也生源為明稱少

將御息所尊卑分脈

源氏左兵衛佐敏相女也生源允明皇胤系

鈔

大日本史卷之七十八終

大日本史卷之七十八 川專 十六

大日本史

卷之十八

五

十

大日本史卷之十八

...

...

...

...

...

...

...

